

ARTICULI XXIV.

SUMMARIA.

- 1 **D**Um ipso Jure imposta est pœna negligentis, & omissionibus, non requiritur declaratoria pœnæ, requiritur verò declaratoria delicti.
- 2 Nisi omittatur, quod sit de forma, vel reddat inhabilem ad factum.
- 3 Quod alii dicunt si privatio, aut nullitas, non habet rationem pœnæ, nam si habet rationem pœnæ, tunc semper requiritur declaratoria, & num. 4.
- 5 Et ad declarandum delictum negligentia, prærequiritur citatio.
- 6 Nemo tenetur ex se subire pœnam, sed solum pati.
- 7 Licet bona hæreticorum sint ipso Jure confiscata, tamen ad executionem requiritur declaratoria Judicis.
- 8 Privatus ipso Jure bonis amittit dominium statim secundum aliquos.
- 9 Verior sententia, quod nec possessionem, nec dominium amittat, & num. 10. afferuntur Doctores, & rationes pro hac sententia.
- 11 Limitant aliqui in delictis notoriis.
- 12 Limitatio refellitur cum Thoma del Bene.
- 13 Aliqui Doctores sentiunt non explicandam esse declaratoriam, si lex, aut Statutum, aut conventio expressè dicat, nulla expectata declaratoria.
- 14 Verum, & adhuc requiri declaratoriam sustinetur cum Thoma del Bene.
- 15 Limita, quando ad executionem non requiritur factum hominis.
- 16 Pro foro interno fur, & latro tenentur restituere statim; pro foro externo, requiritur declaratoria.
Quando restitutio est in pœna, requiritur declaratoria pro utroque foro.
- 17 Fiscus, si negligat capere bona delinquentis, censetur velle illum perseverare in possessione bonorum.
- 18 Ex quo etiam potest sequi præscriptio, & num. 19.
- 20 Nec valet paritas de beneficiato negligente dicere horas Canonicas, qui in conscientia non facit fructus suos.
Quia hic agit de aquirendo, non de pendendo.

ARTICULI XXV.

SUMMARIA.

- 1 **P**rava cogitatio quæ nam sit, & quid nomine ejus veniat.
- 2 Actus intellectus præcedit, & illuminat Voluntatem.
- 3 Deus multo zelo ostendit cogitationes cordis, diligenter esse custodiendas.
- 4 Qualiter Deus dicatur scrutator cordium, & renum.
- 5 Voluntas debet repellere pravas cogitationes cordis.
- 6 Non repellere pravas cogitationes censetur consensus interpretatiuus, & virtualis per multos Theologos magni nominis.
- 7 Aliqui Theologi existimarunt, quod non repellere pravas cogitationes, sit simplex pati.
- 8 Bonum Consilium est, eas repellere.
- 9 Quanta diligentia adhibenda sit in repellendis pravis cogitationibus, & afferuntur multa media practicata à Sanctis.
- 10 Elevando mentem ad Deum repelluntur pravæ cogitationes.
- 11 Proderit satis recursus ad Sanctum Angelum Custodem.
- 12 Prodest multum fugere occasiones.
- 13 Quando occasio de se est honesta, vel utilis non est necessario fugienda.
- 14 Negant plures extare præceptum de adhibendis

- 15 Tenetur homo uti remedio necessario ne labatur in peccatum.
- 16 Sub præcepto negativo decalogi (non concupisces) continetur implicite præceptum de remedio adhibendo ad non concupiscendum.
- 17 De Jure concesso uno concessa censentur necessaria ad illud, ita præcepto uno, censentur præcepta necessaria ad præceptum observandum.
- 18 Cogitatio sub conditione, quæ tollat omnem malitiam ab actu, non est necessario repellenda, si verò conditio non tollat omnem malitiam ab actu, tunc est diligenter repellenda.
- 19 Qualis, & quanta differentia sit de conditione in obiecto intrinsece malo, & obiecto solum malo, quia prohibito.

